

皇清文穎續編

皇清文穎續編卷首五十二

御製詩

五言律詩

春日咸福宮

春氣年年好
今春祇覺悲
臨風時颯爾
觸目總淒其

鳳律驚頻換

龍髯恨莫追
敬恭守

遺訓此志永無移

冬雪誠優渥占豐慰

聖心籌農春正始省歲念尤欽西嶺素方積東郊綠
漸深及時興畚鍤勞力惻中忱

三年

勤訓政厚澤沐誠多力竭心難盡

恩深志不磨瞻雲神索寞揮淚雨滂沱

龍馭無歸日

天高喚奈何

憶舊

憶舊渾如夢山莊十八年承

歡居別殿繞

膝侍文筵凜

訓恩高厚椎心涕泗漣

龍髯攀益遠抱恨矢終天

湖廣總督倭什布奏報連日截剿由川東竄來

逆匪李淑等痛加殲戮折回西南興山一帶

各情形詩以誌慰

羣邪盈二竹走險越川東闌入難辭咎驅歸仍論功
兵威看益壯賊路已將窮三捷連馳奏感

恩倍惕衷

參贊德楞泰奏報生擒偽總兵先鋒等十餘名
殲戮匪衆千餘名招撫難民千餘名川西卽
可肅清各情形詩以誌慰

半月傳三捷寸衷感

吳恩威揚貔虎隊氣餒蟻蜂屯逆黨徒潛寨雄兵立
奪門默祈事速歲救刼赦愚昏

經畧額勒登保奏報督率官兵在商雒一帶痛
殲賊衆逼奔西南各情形詩以誌慰

賊技恃奔竄東趨近豫疆窮追及鎮

安雒南

痛勦折

山

陽商州

圍合邪斯靖師和績必彰因循已五載宵

旰
顓

穹
蒼

夏至

北郊恭奉

皇考升配禮成敬述

升配鴻儀巖

德功

天

地參辨方協東北平賊祝西南博厚无疆合安貞至
靜含甫田亟待澤虔籲需和甘

參贊德楞泰奏報馳抵南江冒雨痛勦攻撲碣

寨各股賊衆千餘名詩以誌慰

蜀賊通江巴州聚游魂尙逞狂聞風虞兔脫冒雨奮

鷹揚四寨李家裕成羅台元山四寨消災難去聲雙兇偽元帥賴掌櫃偽總兵鮮

青中 正憲章慰心生惻憫除刼籲

穹蒼

九月初八日燕郊行宮參贊德楞泰總督勒保

奏報痛勦匪衆二千餘名現在分兵追勦以

冀肅清川省各情形詩誌感慰

上

陵甫旋蹕佳信達燕郊奮擊兵連寨窮追賊失巢漫
逃長壩渡先勦大團包敬感

考垂佑功成十月交

總兵長齡奏報痛勦高馬二逆匪衆一千四百
餘名乘勝抄擊各情形詩以誌慰

勁旅及鋒用行軍在審幾二凶剩殘喘七隊奮雄威

困獸猶思鬪涸魚失所依

昊恩誠感惕弭亂寸心祈

元旦喜得楚省捷音詩誌感慶

歲朝得喜報春始沐

天恩賊勢螟蝗散兵威虎豹屯良臣奮忠藎宿將共
騰騫指日楚氛淨廓清隴蜀原

協辦大學士湖廣總督書麟奏報三路官兵兜
截徐添德殲戮八百餘名趕緊圍剿情形詩

以誌慰

徐逆本川賊蔓延房竹疆奔馳五年久刼掠庶民殃
三路雄師合一心宿將良更祈

天賜佑綏靖普禎祥

四川總督勒保奏報提督七十五督率官兵陣
斬首逆張士龍殲戮生擒者一千三百餘名
詩以誌慰

新歲事機順佳音接續來西鄉聚餘孽南江廣
元殄

邪埃謹守川江險先清蜀嶺鬼虔心祈

帝佑五載庶民災

總督勒保奏報提督七十五截勦竄匪殲斃首

逆王士虎併賊衆幾及千名川北將次肅清

詩以誌事

督提奮忠勇接踵殄雙凶

徐萬富前經殄滅通江保
王士虎今已被誅

寧

將除騰開

縣陽雲

漫聚蜂佳音三省續惡刦五年

逢叩首祈

天赦普施渥澤濃

總督長麟奏報會剿高三前股賊匪殲戮及生擒者一千七百餘名現截剿後股賊匪情形詩以誌事

伏莽惟奔竄潛逃鬼蜮攢五年事未竟三逆罪難寬
謂高三馬五王懸賞軍心奮摧枯賊膽寒寸忱所
廷詔三首逆
昊鑒渴望兆民安

軍信

賊窮奔益急川楚信同來截勦徐

添德張九

蹙追逋樊

人冉

添泗

摧祛邪何日靖奏績幾時回展謁祈

乖佑銷兵

聖澤恢

經畧額勒登保奏報提督楊遇春督兵追勦賊

匪生擒積惡首逆王廷詔詩誌感謝

裕陵甫哀籲卽報獲渠魁二逆連番縛

高二王三凶廷詔

次第摧

高三馬五徐添德

三才圖會卷之三
考慈宥予咎

天眷赦民災捷信祈頻至告成及釋縗

三月二十五日啟蹕詣

裕陵行釋服禮感述

日月去誠速

音容恨永違未能繼

考志何以報

春暉民事肝宵念

慈恩魂夢依終身長想慕把筆益歔歔

經畧額勒登保奏報督兵生擒王凌高張什二
首逆併殲獲五百餘名詩誌感慰

恰值謁

陵朝捷傳秦嶺遙王張已共縛高三馬五定齊集兩

省兵將合六年刼可消叩祈

皇考佑靖亂沛

恩饒

園居述志

居憂廿七月守制罷臨園緬憶

音容遠空瞻堂構存奉三法

祖

考綏萬撫黎元崇儉屏雕飾永欽奕禩孫

福地承

恩澤安居四十年寸衷懷

考眷一念報

皇天圖治首勤政撫民必用賢駐園緣舊則心豈在
林泉

御太和殿作

三年未御殿冊后禮宜行抱蜀臨天下承

先奉大清艱哉時保泰凜若慎持盈

授受思丙歲尤殷永慕情

參贊德楞泰奏報痛勦徐添德匪衆擊斃首逆
張允壽殲戮及生擒解散者幾及三千名詩

誌感謝

刼數何時轉仍憐溝壑填師初分兩隊賊又殄三千

張

允壽

殛邪將盡徐

添德

逃命苟延民安予罪解昭鑒叩

皇天

經畧額勒登保奏報追勦冉學勝大股賊匪殲
擒三千餘名詩以誌事

賊勢雖窮蹙餘邪聚數千分兵高嶺越冒雨密林穿
合力逆難遁同心績必宣五年事將歲解厄籲

皇天

駐香山靜宜園

靜宜

皇考額佳氣衆峯攢是處

顏勤政隨時警晏安溪山仍似昔堂構肯其難學古

堂名

皇考寢

興處予仍居此室承

先志龍章敬仰觀

參贊德楞泰奏報殲斃首逆龍紹周全股淨盡

各情形詩以誌事

賊勢已窮蹙潛逃倚老林雄威三勇奮惡孽二毛燭
聚蟻消川嶺屠龍淨楚岑酬勲應晉爵敬感

昊恩深

恭謁

泰陵

撫序感春露

珠邱展謁虔

勞心十三載

垂統百千年松柏鬱葱護岡巒層疊連渺躬慙繼述
霑灑凜仔肩

恭謁

泰東陵

悲憶

含飴樂春風廿四年

孫臣幼蒙

慈眷自丁酉

大事後忽又廿四年矣

在天

考長侍搶地子誰憐積慕思濡露關心感禁烟

慈容哀莫覩

遺澤永縣延

凌虛閣

小閣臨春墅凌虛境界賒水光涵遠樹山影斂餘霞
燕子初成壘鼠姑欲綻芽授時近孟夏兵未息三巴
若帆之閣題句

石磴互盤曲登臨俯碧流層軒出林表傑閣倚牆頭

遙挹千峯峻平開百頃稠觀農仰

先志邦本重田疇

宿潤連阡陌春深物候嘉對山如對晝看麥勝看花
綠罨蹊邊柳紅皴嶺外霞靜觀心益遠盼捷望天涯

詠筆架峯

霄半聳三峯奎光斗闕衝掃開秋宇霧繪出塞山容
凌漢清波蘸生花彩暈重化工大手筆天上啟文宗

西川三首用杜甫韻

蜀地定民亂興戎豈拓邊未能安赤子何以對

皇天擘尚藏巖谷時方動水泉

月令仲冬水泉動

敬祈

考垂庇平賊免牽纏

西川原富庶奪攘七經秋枝蔓連夔府根株始達州

黔黎疲列戍將士敝征裘籌筆增慙懼漫紆宵旰憂

殘賊肆奔竄雄師難合圍佇看戎馬定倍覺羽書稀

固本惟修德佳兵戒作威縈心頗望蜀喜報共春歸

盼信

三省雖戡定餘邪未盡除遺灰亦須滅荒蔓務全鋤
尚有伏林澤何時寔室廬祈

天轉泰運寧謐兆民舒

香山夕景

西嶺斂斜陽喬林送晚涼澄暉下平坂嘉蔭遍迴廊
霞綯溪崖秀風來花草香山堂駐五日戒逸仰

先皇

消夏入詠

閱摺

晨起閱章奏曉庭夏氣和萬幾慮叢脞一字慎差訛
靜養寸田澹徐籌庶事多敬勤遵

考訓晷刻肯徒過

召見

前席延卿尹欽承

家法良有容言乃盡無隱事斯詳察理分誠僞虛心
辨否臧久談忘溽暑廣廈靜生涼

觀書

勅幾原少暇得暇卽看書
識廣編全載心清暑自除
窗前濃蔭合簾外午薰徐
探討聖賢旨民安君慮舒

滹茗

芳茗貢西浙品嘗竹鼎中
旗槍芽細膩魚蟹眼和融
緩煮半鎔水徐來兩腋風
一甌暑全解七椀笑盧仝
披薰

高明居永夏敞豁納南薰
解愠琴徽合披襟松籟聞

博山裊香篆遠浦送荷芳願以淳風布巽申息孽氛

對雨

夏雨生衆植甘膏降自

天滂沱添澗溜霽慰繪林烟極浦翻輕漲閒階沸急
泉頓令煩暑滌嘉兆應豐年

舟中

御湖波浩渺試泛木蘭舟愛此澄明境欣成汗漫遊
錦鱗戲萍藻白鷺下汀洲鼓棹生新爽陂塘夏似秋

池上

晚坐石池上招涼暑盡消東林懸月鏡西嶺建霞標
蛩語空階答蟬聲密蔭飄平安猶未報問夜凜衣宵
普陀宗乘之廟

境仿西天竺禪宗震旦開慧風颺鹿苑花雨散蜂臺
爲善寸田勉能仁萬法該追攀過去佛遺澤普埏埴
春苑小獵示諸皇子

武備我朝重春蒐舊典昭屈支習勁矢磬控御金鑣

柳陌仍蔥鬱

椿庭久寂寥後生應自勉

家法溯源遙

四藏書屋四詠

握管治庶政絲綸在指揮
含毫運端直染翰愼幾微
用擬千枝禿花生五色輝
公權語得要心正事相依

筆

靜體爲功用端溪質潤堅
微凹聚香璧半勺滴清泉

月印鳳池潔星涵鴈眼圓不雕存太璞石友壽長延
硯

幾幅澄心楮光明煥彩霞含章鋪玉版蘊藻燦金花
緝緝浮輕膜鱗鱗疊細葩硬黃宜護惜作字愧塗鴉
紙

龍寶香艷發精製佐文房漫試紅絲硯珍收綠錦囊
松烟聚華彩石液現輝光所寶非珠玉書齋四妙藏
墨

策馬登半天樓

春日景和藹陽坡策紫駟欲探四正境更上半天樓
曲折石溪複迴旋磴道修登峯轉平坦高朗豁吟眸
千峯拱東北翠嶂互連延放眼疑無地舉頭只有天
松濤生足底雲海漾窗前勝概難摹繪怡情付錦箋
羣嶺獨超越衆星拱北辰居高心倍謹造極境難臻
捷徑徒尋覓坦途總率循俯看小邱壑擾攘蕩紅塵
壯遊不可極歸轡下崇岡松影前蹊轉鐘聲遠寺颺

碧奩石蘊秀紅雨杏流芳是處皆佳勝幾餘雅興償

題耕織圖

有序

璣衡七政所以授時農桑二端斯爲本富夏后
則三壤之賦粒食思艱邠風陳七月之詩授衣
紀候朱紘青縹祀分南北之郊帝藉公桑事重
陰陽之帥是以七十二候之解時訓載在周書
四十五日之功風俗詳於漢志禾傳嘉穀紀同
穎以陳篇繭貢名都述八蠶而練賦厥有成績

備識前聞洪惟我

祖

考政先治本念切民依時逢東作

加推隆躬藉之儀典溯西陵獻種襲親蠶之禮五行

順令屢豐已荷降康六德呈祥續續聿彰設采

然猶以下民力作編戶辛勤

帝心時軫夫艱難民事不遺其纖悉爰

命圖釐耕織析其目爲廿三

弁以篇章仍其題爲卅六

大文炳曜合

三聖而同符巨帙裁編垂億年而無斁予小子敬承
鴻業寅荷丕基綏萬國以圖寧願躋含哺之化合四
秋以省歲冀敷挾纊之恩披寶繪以流觀殷懷

蔀屋誦

天章而步武嗣響

薰絃惟本思艱圖易之謨廣爲趨事赴功之勸原夫

芸生類別首尊后稷之名味美功多尤在稻人

之掌先甲坼而浸種出子粒於隔年盆盎香浮

顆殊紅粟池塘水暖鍼漾白芽

浸種

先事維耕

耕

勤耙耨而無虞草宅

耙耨

覆耕曰耖

耖

轉礮

礮而彌見土肥

碌礮

然後族布連畦恂恂若幼

布秧

芒初刺水簇簇生新

初秧

蔭取於塗無忘

土化之法

淤蔭

拔胥以萃適諧茅茹之占

拔秧

插六莖於熟田馬馳秧隴

插秧

等一壠於始播

為挾耜夫一耜除無用之苗意主乎勿參勿二

植先生之植功習乎至再至三二耜 三耜猶

且慮龜坼於夏畦防止瀦蓄灌漑戒禽饗於秋

坂橫鏝劓鎌收刈滯穗盈塍指屈登場之候登

場場築場九月肩頰持穗之氓持穗村春水碓之

旁簾篩糠而灑灑春碓 簾簸日揚風之候簸

礪穀以隆隆簸揚 礪乃得百室俱盈白粲入

千倉之詠入倉三時告稔黃冠祭入蜡之神祭

神

具悉胼胝可忘耕作若迺機中縷縷之錦何

異盤中粒粒之餐令朔仲春辰躔大火龍精隱

躍輕舒蠶月之風蛾子瓏玲清浴菜花之水浴

蠶

膚滋白色二眠以七日爲期二眠候驗黃光

半葉待三眠而飼三眠起尤健食連朝聽簌簌

之聲

大起

捉處通明照日蘊綵綵之緒捉績雜

槃筐於葦箔織薄深閨

分箔

錯梯几於桑林提

籠南陌

采桑

經營布簇藉插茅編竹之功上簇

熏炙成溫分候火撥灰之課炙箱迨夫摘來似

甕稱量籠簾之重輕積得如山檢點蛹蛾之變

化下簇擇繭下竹簣而上桐葉一窖泥封窖

繭北熱金而南冷盆幾車繅就練絲梃箱連紙

護蟻粟以纂絲蠶蛾壇墠辦香仰駟房而設醴

祀謝簠苴徐引擬緯未於小正緯綜躡相連昉

織文於禹貢織豈待蟲鳴驚婦絢絡秋燈絡絲

宛如鳳下銜梭縷經宵杼經篚筐五色別擅移

花接葉之工

染色

攀花

刀翦萬家用紵短布

單衣之厯

翦帛

成衣

是則眷綢繆於織室無

殊軫拮据於租庸民生在勤觸目皆丁男丁女

君孰與足關心惟新穀新絲所願戶積倉箱頌

大田之多稼家勤機杼賦蠶織以勿休受之飢

受之寒予一人職思其咎有餘粟有餘布爾萬

姓適求厥寧景仰

徽猷永矣誠民之義詠歌勤苦羣知敦俗之心

浸種

青陽序肇始兆庶力田疇藏種筠籠貯隔年堅粟收
清香滿盆盎佳實浸汀洲三日秧鍼起從茲東作修
耕

綠畦新水活穡務始於耕雖藉烏犍力先勞赤足行
泥翻畎畝闢波漾淺深盈舉趾土膏動化機地底萌
耙耨

深耕繼易耨次第紀田功人踏微波面牛牽積淖中

短蓑難障雨破笠不遮風水陸皆宜用胼胝南北同

耖

方春農事接扶耖下深渠蕩滌溪泥細疏通地氣舒
策牛田父急驅犢牧童徐沒膝涉淤滓庶期深淖除

碌碡

耨耖序咸度方施碌碡平勻泥依軌直旋軸濺波清
器本隨宜制功由運掌成樞機轉不息磊塊漫牽縈

布秧

田畦旣平治嘉種布芳津埂堰沿溪直陂塘漾水勻
涉波盈百頃播穀趁三春稠密無行列移栽待候循

初秧

布種盈畦畛授時春已深溶溶遮穀面簇簇茁秧鍼
迥雨根滋隴含風香滿潯老翁閒策杖茂對足娛心

淤蔭

土化沿周禮鳩鳴序不淆農家無暇豫地脈有肥瘠
刈草良苗茂灑灰短杓拋滋生先納垢至理味衡茅

拔秧

韶光度九十節物近清和
柔毯鋪青甸新秧滿綠波
移根透積淖拔穎出圓渦
越隴蒔南畝連塍荷擔多

插秧

好雨潤阡陌蒔秧首夏時
隔隄羣力作終畝共忘疲
疎茂排成列縱橫務合宜
佇欣千頃遍嘉穎漾清漪

一耘

良苗初發候稂莠必先除
耘治勿留稗芟夷以漸鋤

分畦滌陳草隔隴注清渠豐茂庶符願含飴薨薨舒

二耘

再耘近炎暑揮汗敢辭勞日炙畦波潄風來陌樹高
開襟扇頻颺餽餉婦親操寄語治民吏堂餐忍濫叨

三耘

去疾莫如盡三耘始絕根偃僂遍爬抉穠蓂望滋蕃
人事戒疎懶天工協潤暄安良先斷莠治理念常存

灌溉

水利通溝洫田功茂育加桔槔流響逸穰穰芬賒
隔堰波翻影盈疇浪疊花踏歌忘力倦柳外日西斜

收刈

耕春繼耘夏勤苦逮深秋農務三時接嘉禾十畝收
腰鎌刈畦畔背負度隄頭遺穗兒童拾連塍晚稼稠

登場

萬寶幸成熟登場慶老農充盈皆玉粒堆積若崇墉
勞力甫田獲慰心稔歲逢所欣免債負百室樂熙雍

持穗

年康編堆積曝曬趁秋晴鋪穗如茵厚碾場若掌平
連枷擊穰秸分粒擇華英恍見豐亨象沿村打稻聲
春碓

民力真艱苦農功無暇時曉春依破壁夜碓隔疎籬
願協田禾熟心知節序移索綯亟乘屋已近禦寒期
麓

杵臼事差畢仍須用竹籠精華益珍貴糠粃不留遺

敢忽田功細相忘手力疲重農爲政要稼穡必先知

簸揚

欲令精粗判臨風試簸揚聲輕如散雨影細乍流香
箕帚收宜淨斗升謀實臧未能忘歉歲多貯爲留防

礪

礪礪及時用軸旋共挽推摩肩揮汗雨礪齒響殷雷
珠顆勻圓瀉穀皮磊落堆稼成誠不易敦俗勸栽培

入倉

西成繼粟烈分貯萬倉祖力作無閒暇功收有蓋藏
完租消宿債足食積餘糧顆粒皆辛苦臨民勿怠荒

祭神

田祖司多稼庶民報祀誠升香騰瑞靄擊鼓和歡聲
穫稻實倉廩知時順雨晴披圖表永慕務本厚蒼生

浴蠶

衣裳始上古教織自西陵考禮婦功重浴蠶績事興
化生喜溫暖澣濯避嚴凝盆藻柴灰水勻齊時可乘

二眠

治室務精潔初生連蟻微布匡置槌架移箔捲簾幃
頻以柔桑飼毋勞織手揮二眠須靜待色變候無違

三眠

已近清和月黃光映箔初三眠宜少飼一罇不令疎
晝夜功無閒平勻葉有餘挑燈頻體驗勤視寸心舒

大起

候度三眠序脫膚大起時足腸盈衆箔健食蘊干絲

心已隨春老。室須向暖移。桑乾飼無歇。奚用露華滋。
捉績

欲老食偏健。雨聲隔戶聞。炙盆火須熟。捉績視宜勤。
減飼絲將足。依時箔欲分。練光瑩似玉。珍惜勿紛紜。
分箔

春深益滋長。薄箔遍分藏。眠起驗無舛。衆多虞有妨。
迴環結在葦。高下置槃筐。充棟皆排架。頻年喜美穰。

採桑

採葉供蠶食季春碧滿林桑柔鋪有蔭絲老結無心
筐負條微折鉤輕幹未侵芳郊甘澤洽落甚小童尋
上簇

絲腸欣旣足通體現晶瑩布箔必稠密編茅務穩平
簇登草勻插網入繭徐成善育關豐儉審宜貴致精
炙箔

陰寒釀梅雨比戶下帷簾箔上繭將作爐頭炭漸添
含生緣避冷本性豈趨炎緩炙休過燥功宜晝夜兼

下簇

鄰里欣相賀家家蠶事成
勻圓雪光皎錯落玉輝瑩
下簇分參寡聚籠衡重輕
用功常不懈始得萬絲盈

擇繭

衆繭須精擇因材用不同
化蛾作佳種排箔引涼風
首選織紵美次供綿絮充
由來無棄物器使在虛衷

窖繭

藏繭置深甕沿隄荷插從
布桐看疊疊鋪簣襯重重

窖地鹽微摻埋原泥密封出繰待七日潤澤倍鮮穠

練絲

離坎功相濟經綸展蘊藏瑩瑩翻釜爍軋軋轉車忙
撥緒箸抽繭繰絲手探湯工夫漸成熟隔牖挹清香

蠶蛾

揀擇作新種槌箱紙四圍子生勤覆養蛾化任分飛
蕩漾隨楊陌翩翩傍葦磯如山復如粟珍護待春歸

祀謝

蠶成申報祀虔謝望豐穰天駟輝騰迴西陵澤衍長
香昇陳滿几絲獻祝盈箱衣被免寒凍抒誠遍里鄉

緯

橫絲互旋轉紡績用功初錢眼貫成緒縑星引就車
周迴繳樞速圍繞度筒徐次第法精細從茲杼柚舒

織

作帛織機始宵燈照戶阿堅持寸心靜不覺萬絲多
綜躡難停杼縱橫頻擲梭七襄紀小雅光彩燭星河

絡絲

繳軋

音助

繼張柅絲縷勿縈紆牽引絡於簞貫穿度自

李挑燈宵正永轉軸腕忘劬力作休言倦計功課小

姑

經

層層排絡簞上架往來牽眾縷有條貫一心善斡旋
鳴機得頭緒運軸白綿延綸紵應加慎如絲勿妄宣

染色

絲成皆潔白染練煥縑緗璀璨萬條理陸離五采彰
雲霞昭賁飾黼黻佐文章朱絲元黃備含輝咸質良

攀花

巧擅女工首雲章繪素綈緯經合樞紐心手應高低
運掌絲無舛擲梭花漸提織成由意匠何處覓端倪

翦帛

帛成良不易欲翦復低徊珍惜勞心製奚容信手裁
乍看千縷合倏見百花開尺寸依輕棄都從辛苦來

成衣

已屆授衣候成裳庶底身翦裁度修短鍼線細縫紉
無褐憐昏墊忍飢厘苦貧農桑郅治本題繪憫黎民

皇清文頴續編卷首五十三

御製詩

七言律詩

夜窗喜雨

向夜稠雲出遠岑
殷雷鳴處結濃陰
初昏颯沓聞霹
澤夜半淋浪喜作霖
萬畝麥田霑並足
千畦蔬圃溉
還深明朝試覽青
疇色應慰

宵衣望歲心

白玉韞

截肪琢出便揮弓布指先看氣似虹乍擬脂膚歸巨
擘那珍象骨佩當躬溫如比德爲觀德瑟彼環中入
穀中知白早應能審固芄蘭吟罷愧成童
內則十三舞勺成童
舞象學射御予
今年正十三

元宵前一日

賜宴恭紀

宴開慈惠

紫微宮惇敘羹餼

賜同一室肆筵傳粉荔三階舞字列花叢獻春綵勝
風初轉迎望燈輪月滿空歡洽載吟行葦什萬年

景福慶綏豐

扇暘

痼瘵到處與民同解愠揮絃厪聖衷行道偶憐咨暑
雨披襟不獨快雄風翠華清蔭茅蒲客羽扇涼生帶
索翁自是君仁先渙汗何須問喘訝三公

敬錄帝學書成恭疊

御題元韻

右文典學

聖心殫淳甫成書嘉定刊懸鑑千秋欣坐照臨池三
載得重看塗鴉自愧編摩拙刻鵠方期視履端四庫
蒐羅超百代崇儒此日暢游觀

槩几濡臺學莫殫文昌奎壁許同刊一斑綠甲圖書
備萬架琅函次第看冊府藏珍包道奧

宸章振鐸啟篇端知行三復探

微旨觀我觀民得大觀

讀諸葛亮出師表

陵夷火德蔽黃雲欲振頽綱屢出軍遺憾未能成一
統孤忠豈獨保三分戎行籌畫艱難策官府敷陳痛
哭文仰止鴻名伊吕並千秋編簡尚流芬

滅魏吞吳計兩空先生蹇蹇竭微躬中原六伐心猶
壯蜀漢餘分勢已窮魚水君臣三顧舊日星光氣兩

篇中他年縣竹能全節更湧江濤作怒風

夏山雜詠十首

禽聲

啾啾好鳥轉枝頭更覺山中景色幽求友情殷多宛
轉呼名意切鎮啁啾鹿呦谷口添清逸蟬嘒林端似
唱酬一枕無塵北窗下詩人夢覺綠陰稠

樹蔭

扶疎綠樹蔭虛堂小坐庭除午晝長浮影卽看鋪滿

院濃陰豈必植千章最宜茂密文茵展偏喜蕨蕤翠
蓋張幾陣南薰來戶外敲詩雅興倍清涼

雲光

石壁高含返照明白雲山頂吐英英無心出岫隨風
布有象成峯轉眼更樹影張帷迷遠近嵐光披絮半
陰晴封中突起細縕變橫截危崖似几平

花氣

山館清幽對夕曛融融花氣靜中聞好風送處香逾

烈薄靄籠時淡更芬縹緲正宜留茗飲網緼只恐礙
簾紋試叅薜蘿林中諦離合因緣鼻觀分

烟痕

谷口平連暮靄明淡烟一抹半空橫騰來林際濛濛
遠飄向風前冉冉輕若有若無含畫趣非花非霧入
詩情更從竹裏煎茶徑遙認山人衡宇清

鹿跡

相從鶴步到青田跡印坡陀斷復連採藥昨來幽谷

口尋聲却在蹢躅邊。畦畦每逐松陰見。濯濯時依草
色眠。一徑寒泉蒼石裏。趁他好訪十洲仙。

巖翠

複嶂層巖不厭高。無邊山色碧周遭。乍含宿雨凝蒼
黛。更帶斜陽暎綠皋。雲淨千峯開畫障。風翻萬壑捲
松濤。林巒四面虛窗列。坐挹清幽興轉豪。

水影

空明一碧淨流淙。天水滌洄響急龍。日色澄鮮籠遠

渡雲光溶漾浸平砑藍拖淺浪迷三島練曳前溪晃
八窗遙望汀頭多浩渺微茫飛起白鷗雙

蝶隊

蛺蝶翩翩作隊來曲欄對舞意低徊輕翻粉翅雙留
態亂颺香鬚耦不猜柳幙羣飛如有約花房紛至豈
無媒香風幾陣吹難散好是莊周夢乍回

茶烟

隱約疎籬透遠林茶烟起處綠雲深淡縈竹逕如絲

裊輕颺花間惹蝶尋几上碁聲剛落手窗前塵影正
論心松明暢好探佳味浥浥清香淡淡陰

臨安詠古

江山襟帶據東南宋室偏安競塵談割據漫論巢燕
樂廢興都付暮潮含烟波隱蹟名全掃花柳烘春色
自酣多少樓臺餘蔓草白雲深處小茅庵

倉皇選勝定朝班社稷都歸水石寰久厭兵戎事歌
舞忍將君父換湖山西冷車馬寒雲沒南內冠裳落

照閒秋月春風論歲序青峯不改舊時顏

岳鄂王墓

獄成三字竟無由南渡偏安實可羞
自許終完君父事何期反結相臣讐
陳湯尚有寃同訟伍相空餘怒未休
霜雪不凋雙橘樹攢宮悽側朔風秋

恭和

御製上丁

釋奠後臨新建辟雍講學得近體四首元韻

成均首善

帝京先盛典新開五十年教育臣民瞻煥若規模
寓仰彬然辟雍初建制斯備靈沼平臨水濠圓復古
道隆非泥古

聖謨丕顯共昭宣

精一心傳咨教胄

君師道合繼唐虞學庠於此探津逮禮制由來總散
殊化俗明倫先造士執經稽古首崇儒永平往事何

堪詡億萬人觀史失誣

庠序披圖古制詳殿基巍建據中唐周迴鏡水

恩波漾端拱明堂

聖典煌經史已瞻頒鳳閣老更奚必備駕行

文筵開處羣賢蔚講席高輝義答陽

曠代工成紀闕逢仲春七日

詣三雍

緝熙止艮

心無逸

行健乘乾

德有容聲振綱維羣鼓舞承宣政化敢疎慵

右文重道儀型協喜起

堂廉益敬恭

水中丞

早向瀛池錫令名水銜宛在結佳盟涵濡用佐管城
子挹注功兼墨客卿學海能參四輔職臣心長養一

泓清圖書總仗調和力果是文如翻水成

三月初七日奉

命登泰山恭紀

出震乘乾鎮大東配躋

上帝位尊崇古來封禪誰能述天下名山孰與同萬
疊峯巒連紫府九關虎豹衛神宮最欣七載重登陟
翹首雲霄舊徑通

盤盤石磴接天門峙立雙崖萬馬奔碑撫唐時春蘚

失松留秦代古濤翻巍乎北闕三辰近咸若東皇庶
彙蕃澤沛崇朝施大德生生不息默調元

凌風直透白雲巔四望青霄似鏡懸迴摘星辰狹河
漢遙臨吳越顧幽燕南西北嶽宗東岱七十二君承
一天配極宏功資發育生寅得氣必開先

巍巍廟貌昭靈應佑啟明禋感格通禮紀三公職自
古天開五嶽總朝東一泓弱水蒼茫裏九點青烟指
顧中共祝

聖人無量壽巖巖峻極慶攸同

恭和

御製新正

雍和宮瞻禮示諸皇子元韻

圓明

侍宴沐

恩初景仰

含節紀

御書宮建

憲皇祥毓昔旨承

仁祖

福過

予輝增佛日雲天上

賜疊兒孫

霈澤餘六十重開綿萬億漢唐往代漫言諸

乾隆乙卯九月三日蒙

天恩晉封皇太子感激涕零成詩恭紀

天光下賁到臣身秩晉青宮

恩命申一已愚衷頻戰栗千秋金鑑凜遵循謙恭作
則欽

先訓胞與爲懷體

聖仁自愧凡材何以報趨庭昕夕侍

君親

丙辰元旦

太上皇父御太和殿

授受禮成紀

恩恭頌

大清國寶

授當朝涼德虔祈六幕調三十登庸愧虞舜萬年稟
命仰

神堯保民慎位書言守戒滿撫謙易理昭子職勤修
刻無逸自

天景福溥新韶

恭和

聖製初御皇極殿開千叟宴用乙巳年恭依

皇祖元韻

開祺淑景喜清妍千叟三番

繼

祖筵四日後庚書亥字

是日辛亥

六旬周甲始辰年敬承

慈旨鴻禧迓勉矢寅衷寶祚延壽寓觴稱

萬萬壽

心傳勤政藥仔肩

恭和

聖製新正千叟宴畢仍茶宴廷臣於重華宮得詩二

首一韻元韻

叟宴三開蒙

昊祝

康熙壬寅始舉千叟宴乾隆乙巳

太上皇

父重循

盛典舉宴乾清宮今歲正月四日

又於皇極殿三舉耆筵疊

慶重禱實蒙

天祐

箕疇敷錫始

皇家臣民共慶多人瑞天地同春挾物華雲紀靈臺
宜史載雪敷廣陌免農嗟

聖躬福壽徵悠久億兆京垓歲月賒

躍龍景仰

發祥地億禩陽和滙一家東壁扶筇列

皇極西清布席侍

重華知艱垂訓農功切無逸關心民命嗟

父教子承欽

帝載期頤大慶願非賒

恭和

聖製新正紫光閣錫宴外藩作元韻

壽宇宏開

念八徵紫光布席

示慈應九圍共朔遐兼邇

五代同堂元繼曾閣建苑西標績樹座隨

膝下倍心兢可汗起舞殊唐代

庭訓盱眙凜敬承

進宮齋戒

初承

大祀肅虔恭蹕啟西郊入法官稼穡力田四時首

天人交感一誠通祈辛省歲豐登祝出震乘春品彙
融三日清齋致寅畏爲民精意體

皇衷

仲春經筵

青陽左个闈經筵廣殿華簪集衆賢論闡儒臣咨啟

沃旨承

太上代敷宣民依父母由恩浹易著元亨示象旋

是日

進講四書詩云樂只君子民之父母
易元者善之長也亨者嘉之會也

聖化漸摩文治盛夙聞詩禮稟

心傳

仲春廿二日奉

旨偕諸兄弟子姪等長春園各景遊覽紀

恩成什

甘澤優霑及令辰遊觀承

旨慶長春天家

五代一堂盛花萼聯輝四照新

大德念徵昭大有同舟共濟喜同人

恩敷湛露歌行葦孝弟身先化萬民

望捷

俘擒首逆昨年冬勁旅何難縛二兇涸轍當車螯挺

臂依山走險鹿迷蹤師增兩粵窮三窟令下千軍掃
萬峯露布卽看來奏捷

天昭曲直

賜恩重

覺生寺禪室小憩卽事

丈室紆迴花木深暫遊物外息塵襟禪機漫悟覺生
旨境遇不遷赤子心蘆荀鼻根聞妙諦迦陵耳際報
清音虔希龍力雲輪轉沛若閭浮三日霖

暢遠樓卽目書懷

萬里晴光檻外收
最宜更上一層樓
山明水淨開佳勝
雲斂烟澄正素秋
苗穴卽欣歸化育
王師原不事虔劉
仰瞻簷額欽

庭訓

暢遠樓扁額
皇父賜書也

暢遠顧名懷九州

九月初三日隨

駕至圓明園恭紀

去年此日始蒙

恩怡應嘉辰莅御園清夏承

歡瞻政典獮秋罷獵

順輿論南湘威布蠻荆格北直農登稼穡繁

聖德深敷

錫大有寸衷敬畏念恒存

臘日用杜甫韻

一月春來候不遙

來年正月初七日立春

上林積雪未齊消階

前旭影浮金海

各官階下所設銅鉦又名金海

窗下梅芬漾玉條禁

旅水嬉邀懋賞

是日例陳水嬉

名藩星拱早趨朝嘉平應律

祥和集露布颺馳達絳霄

澄虛榭卽目

萬頃蒼茫天水接坐臨曲榭氣澄虛金鱗蕩漾風漪
疊碧縠迴旋雲幔舒卉木揚芬真賁若亭臺綴景樂
于胥境名福海願敷錫澤治羣生始慰子

恭和

聖製安眠元韻

問

寢欣聆夜得眠順時

安養澤承

天健行中正無疆錄

景福純常方至川初幸陌阡甘雨足尚憐溝壑孽民
填卽看三捷蜀秦楚邪靖敬瞻

紀事篇

枕上聽雨得句曉起續成

殘夢初回寐未成
泠泠琴筑滴三更
窗中電影搖燈影
簷外松聲間雨聲
候應時行宜暢注
農符吉兆願朝晴
應知

問夜籌軍報亟盼連番露布呈

戒得堂敬紀

仁祖當年刻璽隨心傳繼

聖額堂楣二篇興旨瞻

宸藻三戒嘉言著孔辭慎滿撝謙常謹飭持盈保泰

作箴規念茲肯構恢

先志知足守成固四維

禁松

移來紫禁歲時久佳蔭長敷白玉輝鳳蓋葳蕤翻逸
響龍鱗葱鬱展喬枝飽經塵世風霜慣近沐天家雨
露滋蕃茂含輝依絳閣翔鸞翥鶴應昌期

上元前夕恭隨

皇父御奉三無私家宴親藩

本支百世荷

皇恩前夕家筵啟御園星燦蘭膏懸錦幙月輝雲網
漾珠璣連牀晉爵稱

純嘏接席傳柑近

笑言遍覽圖書誰得似

九旬太上見來孫

上元後一日隨

皇父在正大光明殿小宴廷臣卽事成長律二首

堂陞聯情宜令節承

歡膝下侍嘉筵觀燈五夜施

恩溥列坐三階荷

澤連

父訓子欽庶官協年登兵偃武功全
曲 龜綏迭奏昇平

錫福康衢海甸宜

需雲湛露慶春韶幹運璣衡轉斗杓稼穡初興宜種

三才圖會卷之三
植鹽梅還望善和調

君恩深渥聯中外

聖德高巍

訓旰宵咨爾羣工匡不逮弼予承

旨澤彌昭

恭和

聖製上元日作元韻

元宵令節宣

行慶義卦回環仰

聖詞德溥有容政有典

心存無逸治無爲

福彌積福奉三若孫又生孫則百斯總沐

昊恩錫

純嘏敬聆

父訓日孜孜

辟雍經筵

臨雍

示訓會隨侍

乾隆乙巳肇建辟雍二月上丁

皇父臨雍講學 命予隨侍觀禮 講

學今叨

聖澤洋明德新民止至善知臨容衆樂无疆

是日進講四書

大學之道在明明德在親民在止於至善
易經君子以教思无窮容保民无疆

右文圖治經書括

製記探源名實彰

壽寓作人昭雅化敬承

父子寸衷獲

恭隨

皇父詣

黑龍潭祈雨敬成長律

六十餘年較雨暘崇祠

親詣仰康彊爲民祈歲

勤無逸望澤告

天敬不遑春始蒙滋夏需繼禾遲播種麥抽芒石階

步禱誠超古

昊鑒

皇衷惠霽滂

柳絮

春色初深柳蔭盈又催弱絮化浮萍飄揚若雪蹤無
定旋轉隨風跡不停冉冉飛來千點白依依拖出萬
條青枝頭鶯澀難調舌寂寞灞橋長短亭

榆莢

園林春老綠陰連
榆莢初飄似散錢
暫啟花囊任揮霍
聊舒柳線偶纏綿
成泥難與錙銖較
逐水終歸溝壑填
不是東君偏浪擲
欲憑買轉艷陽天

恭和

聖製鑑始齋題句元韻

天地至和判耦奇
由來言志必摛詞

德功彪炳立於此
律度昭垂

訓在斯風雅頌篇同煥
若初中晚體總卑其

心符鑑始叨

鴻貺簡作增年萬集詩

宜照齋

大君撫字觀天下明照四方咸得宜人鑑正邪防障
蔽心存精一凜微危嘉言敬聽存誠接古訓恒欽主
善師韜斂清輝仍順應象孚元吉仰重離

砌蛩

在野先知商律深鳴秋傍砌送清音催寒唧唧浮涼

露促織悠悠和夜砧草淺苔輕沿屋角月斜入靜透
牆陰筠籠絡緯如相答未許奚奴秉燭尋

抱樸草堂

草堂臨水欣清潔抱樸顏楣念化淳崇儉去奢斯足
用循名責實在知人慙無德政遵前典愧鮮去聲嘉言
訓莠民得暇偶來非問景凝眸望蜀尚頻頻

湛然室

明鏡消塵印萬有湛然澄澈燭羣情見原未見因心

見生本無生
逐想生動處
如觀雲屢變
靜時默念月
長清識空一
切斯能貫虛
集靈臺志氣
平

重修乾清宮大工落成詩以誌事

去冬追憶尚心
驚喜見新宮
不日成

天象昭垂申告
戒臣身修省
本衷誠

父恩高厚瞻堂
構殿式巍峩
備棟楹輦固
斯千祝苞

茂永承

乾健奉皇清

燈花

夜永蘭膏漸吐花蓮生火裏發萌芽丹霞巧結層層
蕊紫燄徐開疊疊葩夢筆還增光灼爍然藜倍覺艷
橫斜漫施銀剪輕裁去綺閣宵深護絳紗

昭仁殿敬誌

不敢追思去冬事

上天示警寸心知發仁止義斯昭德得位安居莫忘

去
聲危時凜

昊恩垂至教日聆

父訓沐深慈式瞻堂構增慚懼舊頌新宮敬始基

皇父奄棄藐躬攀號莫及倏已月餘雖日詣

几筵哭泣盡禮而神魂悲戀末由稍釋敬寫七言用

展哀悰

搶地呼天痛莫伸茫茫宇宙一孤身

八旬九壽同

乾健六十四年體

昊仁

訓永銘心哀睠戀

言猶在耳敬遵循淚泉難竭

恩難報腸斷東風慙淡春

憶昔

憶昔承

恩四十年常隨

膝下矢拳拳銘心

寶誥永遵法泣血孤兒自省愆白日雲霄徒悵望中
宵魂夢每縈牽從今抱恨無終極萬劫難分

父子緣

順天府尹報得透雨詩以誌慰

今春甘澤已連番孟夏重叨渥霽繁

啟佑繼承

皇考賜滋培同沐

昊蒼恩可期二麥康年卜尤望三軍壯志騫孚願有

如時雨化洗兵和衆靖邪源

雨
七月初八日

初秋應候飄涼雨却暑尤祈亟洗兵便覺中庭添灝
氣徐聆嘉樹報商聲驚心節序何其速繼念萑苻未
就平

力疾

籌幾言在耳空階點滴淚同傾

勒保奏報德楞泰朱射斗兩路官兵併力攻克

八石坪賊寨痛剿匪衆各情形詩以誌慰

始於川北蔓川東往返奔馳萬嶺中路合兩軍士氣
壯坪摧八石賊途窮邪消教自終歸正撫固威由先

用攻亟盼移師靖房竹李

淑

徐

德

掃蕩息兵戎

八月十三日

皇考誕辰率王公大臣詣

几筵前拈香供膳泣述哀忱

繞

膝稱觴卅九年忽驚三奠

梓宮前賊氛未靖慚難告孺慕無窮恨益綿
綰經服
身悲舞綵膳羹舉首痛陳筵以天下

養成虛語涼露淒風助淚漣

恭奉

皇考神位

升祔禮成述悲

音容倏已三時隔悲奉

神睥歸帝京返也如疑往如慕藏焉存痛祭存誠瞻
楹驚覩

六昭

穆執爵哀餘四弟兄風靜日溫成鉅典

考恩中感泣吞聲

明亮等奏報殲斃首逆張漢潮並生擒首逆李

潮喜音至都詩以誌事

狂奔陝境經年久牽綴官兵奏績遲子午峪路窮同

繫縛李

潮

張

漢潮

惡滿盡誅夷秦寧尤望蜀全謚草去

仍防蔓易滋淨掃妖氛成

考志泣思聆

訓又冬時

冬至

南郊恭奉

皇考升配禮成敬述

饗

帝饗親儀並舉

神牌恭捧石階升

祖功

宗德昭巍煥

天命民晷稟克承典重

南郊祭如在

位增西序戚難勝追思每歲聆

恩諭空慕

音容儼式憑

正月三日恭謁

裕陵明樓前行週年禮痛述

兼程趨赴夢魂牽痛別

慈容已一年何所憑依失

考

妣慙無政績撫坤乾悲號莫及雲霄迴呼搶空餘涕
淚漣勉抑沈哀思繼

志攀留不忍促歸鞭

新正養心殿

始青暖律敷宮禁發育滋生木德東王祀景舒輝綺
旭金鋪香靜轉融風

恩承高厚千春永慶衍孫曾奕禩同堂構敬瞻欽負
荷默祈

昭格啟予衷

經畧額勒登保叅贊那彥成奏報在寧遠伏羌

境內截擊逆匪千餘名擒獲僞元帥詹世貴
捷音詩以誌慰

大帥同心事可成捷書頻達叶師貞伏羌小醜誅將
盡寧遠餘妖罪已盈由彼喪心甘作孽豈予黷武願
佳兵

裕陵泣告增慙懼虔籲

垂恩速蕩平

叅贊德楞泰奏報在江油縣一帶痛殲逆江衆

賊生擒首逆陳得俸箭傷首逆冉添元鎗斃
首逆之弟冉添恒捷音詩以誌慰

謁

陵前夕捷音連赦罪安民叩

上天阻隔嘉江陵途已絕誅殲狼狽線空纏白蓮

凋謝邪心斂赤羽飛騰賊手穿刼運將消仍樂業敬

祈

賜佑寸忱虔

叅贊德楞泰奏報生擒首逆再添元痛殲匪衆
數千名乘勝剿辦各情形詩以誌慰

六日欣傳捷報三

天恩深厚福西南兩江途絕邪難熾四路師雄戰益
酣大暢民心起溝壑生擒賊首試鋒鏌微忱敬感
考垂佑又盼佳音遞陝甘

大暑日感賦

兩經大暑居宮禁氣候清涼感實深守禮寸心得其

所暫時煩熱豈能侵

音容遠隔山莊夢

優悵頻通

佛殿歆不忍迴思昔年事悲懷夏清淚霑襟

夜雨朝晴感賦

夜雨朝晴農諺符何修沐此

昊恩殊黍禾可冀豐年兆盜賊仍投絕地趨民劫未
能出水火

天心原不好征誅稽遲蕺事誠予咎除莠安良繼

考謨

經畧額勒登保奏報官兵連得勝仗殲斃首逆

楊開甲痛剿賊匪千餘名詩以誌慰

正殷捷奏接飛章轉戰茅坪誅逆楊餘匪漫潛四畝
地雄兵全洗兩山梁軍功必錄人咸奮勁旅重添氣

倍揚

本日調派索倫吉林兵一千五百名前往軍營
適額勒登保捷奏到來而此項新調之兵仍著

派往壯軍威而破賊膽
更可期迅速蕺功矣

指日荏苒皆掃蕩

在天靈爽願方償

河南布政使馬慧裕奏報葉縣盤獲首逆劉之

協督兵趕辦寶邨教匪悉數殲除各情形詩

誌感慰

旋轉事機荷

蒼昊五年籌筆乏謀猷蜂屯聚逆蟻排陣虎將催兵
馬躍溝寨破四門憐盡鞫網開一面自來投兇渠生
繫羣邪散隴蜀救寧願此秋

叅贊德楞泰總督勒保奏報合兵兜剿四股賊
衆擒戮四五千名大獲勝仗各情形詩以誌

慰

軍民合力勦邪妖餘孽紛如落葉飄元口鎮前元惡
聚白沙場上白蓮凋鄖西小醜看全滅隴右游魂卽
盡消三省佇祈登衽席告成恰應上

陵朝

經畧額勒登保奏報生擒逆首陳傑殲淨餘匪

現趕辦伍金柱各股賊匪情形同日總兵明
亮奏報痛勦徐添德大股賊衆生擒僞總兵
熊方青殲除匪衆千餘名乘勝趕勦各情形

詩誌感慰

今秋

天眷益深厚兩省捷音同日來隴逆消殘如敗渠楚

氛斂戢祇餘灰南漳亟盼徐

添德

囚馘西

和禮縣

卽看

伍

金柱

賊摧續調雄師籌善後收功猶有渥恩培

經畧額勒登保連次奏報官兵鎗斃首逆伍金
柱矛戳逆首宋麻子殲戮賊匪千餘名詩以

誌慰

陝甘連界如脣齒逆賊奔逃幾往來伍金宋麻子駢誅

威已振冉學世勝張龍接竄勢將摧事機漸順祈消劫

天澤宏敷速弭災謁告

裕陵籲

垂佑難伸孺慕寫沉哀

九月三日啟蹕作

守制居憂長夏度杪秋霜露感尤深未酬

考願增慙懼虔祝

天恩益敬欽攬轡迴非隨

輦況望雲先展拜

陵忱迭遷寒暑嗟何速昨歲追思倍痛心

叅贊德楞泰總督勒保總兵明亮巡撫倭什布

各奏報川楚勦賊得勝趕緊肅清腹地情形

詩以誌慰

頒朔祀

神典敬修喜音川楚達軍郵巖邊餘孽難藏穴釜底
游魂漫匿溝兵合兩旃威殷後賊分四號勦迎頭旣
增感慰仍祈

佑定亂安民闡

聖猷

叅贊德楞泰總督勒保奏報兩路官兵痛勦川

北逆匪三四千名並殲斃首逆楊開第齊國

謨詩誌感慰

川北餘邪聚八千妄思搶掠蜀江邊雄師合力刀矛

奮小醜駢誅溝壑填雖幸楊

開國第

齊國彰憲典亟籌高

二馬五

伏戈鋌代民虔叩祈

天赦禍結兵連已五年

經畧額勒登保奏報官兵在武關等處截剿賊

匪情形詩以誌事

因循又屆互寒時冰雪嚴凌勞我師逆黨狂奔圖搶掠
良民何日免誅夷人心不固吏仍玩賊勢雖窮兵
漸疲額祝西南連奏凱新春消劫溥

鴻禧